

La Quotidiana 24-12-2015, p. 18

17.25 CONTRASTS SIN SRF 1

Ils novs vischins da Laax (1. part)

Suenter che la vischnanca aveva cumbattì durant quasi trais onns cunter il center transitoric per requirents d'asil, èn ils emprims fugitivs arrivads il favrer 2015 a Laax. Là han els prendì dimora en l'anteriur hotel da trais stailas «Rustico». Turists e fugitivs! Per quels da Laax insatge nunpussaivel. Il cas ha bittà undas fin avant dretgira federala. E la finala han ils da Laax stuì capitular.

Co sa preschenta la situaziun oz?

En il «Rustico» vivan var 100 persunas dad 11 naziuns. Per il pli umens giuvens da l'Eritrea e da la Siria. In dad els è Hadi,



in medi d'anestesia da la Siria. Da sia stanza en il «Rustico» observa el in accident da traffic. Immediat decida el da gidar, e quai agid spontan mida sia vita. Ina autra surpraisa, il pèrin da l'Etiopia spetga in uffant.